

PROCESVERBAL- Tipi i kontratës - Shërbime

**PËR ARGUMENTIMIN DHE MIRATIMIN E SPECIFIKIMEVE TEKNIKE DHE
KRITEREVE PËR KUALIFIKIM**

(Ky procesverbal është për efekt publikimi bashkë me dokumentet e tenderit)

OBJEKTI I PROCEDURËS:

“SHPENZIME PËR MIRËMBAJTJE E SISTEMEVE TË PARKIMIT”.

KODI PËRKATËS NË FJALORIN E PËRBASHKËT TË PROKURIMIT (CPV): Programim të programeve kompjuterike dhe konsulencës, 7220000-7.

VLERA E FONDIT LIMIT: 1,229,333 (një milion e dyqind e njëzet e nëntë mijë e treqind e tridhjetë e tre) **Lekë pa Tvsh.**

Argumentimi: Kërkesat e mësipërme bazohen në Ligjin Nr.162/2020 “Për Prokurimin Publik” i ndryshuar si dhe në neni 76 të VKM nr. 285, datë 19.05.2021 “Për miratimin e rregullave të prokurimit publik” e ndryshuar.

I. KRITERET E VEÇANTA TË KUALIFIKIMIT

1. Kandidati/ofertuesi duhet të dorëzojë:

- a. Sigurimin i ofertes, sipas Shtojcës 3
- b. Formulari përmbledhës i vetdeklarimit, sipas shtojcës Nr.10

Argumentimi: Kërkesat e mësipërme bazohen në nenet 76, 82 dhe 83 të LPP, nenit 26, të VKM nr. 285, datë 19.05.2021 “Për miratimin e rregullave të prokurimit publik”.

2.2 Kapaciteti Ekonomik

2.2.1 Për të provuar kapacitetet financiare dhe ekonomike, operatorët ekonomikë duhet të paraqesin vërtetim për xhiron vjetore për vitet financiare (2022,2023, 2024) ku vlera e xhiros për të paktën një nga vitet e periudhës së kërkuar duhet të ketë një vlerë jo më të vogël se 40% të vlerës së fondit limit që prokurohet; Kriteri konsiderohet i përmbushur nëse operatorët ekonomikë arrijnë vlerën e xhiros minimale, në të paktën 1(një) vit të periudhës së kërkuar të viteve financiare

Argumentimi: Kërkesa e mësipërme është përcaktuar bazuar në vlerën e fondit limit të kësaj procedure, si dhe bazuar në nenin 77, pika 3, e LPP, si dhe në nenin 43, të VKM nr. 285, datë 19.05.2021 “Për miratimin e rregullave të prokurimit publik” i ndryshuar. Përcaktimi i viteve të kërkuara për paraqitjen e

vërtetimit të xhiros vjetore është bërë bazuar në Ligjin nr. 8438, datë 28.12.1998 “Për tatimin mbi të ardhurat”, i ndryshuar, Udhëzimit të Ministrit të Financave nr.5, datë 30.01.2006, “Për tatimin mbi të ardhurat”, i ndryshuar, VKM-së nr. 922 datë 29.12.2014 “Për deklarimin e detyrueshëm të deklaratave tatimore dhe tëdokumenteve të tjera tatimore, vetëm nëpërmjet formës elektronike”. Në percaktimin e vlerës së xhiros autoriteti kontraktor është referuar në pikën 2, gërma (c) të Nenit 43, Seksioni III të VKM nr.285, datë 19.05.2021 “Për miratimin e rregullave të prokurimit publik” të ndryshuar.

2.2.2 Operatorët ekonomikë duhet të paraqesin kopje të bilanceve të 3 (tre) viteve të fundit financiare (2022,2023, 2024) të paraqitura pranë autoriteteve përkatëse tatimore që tregojnë raporte ndërmjet aktivitetit dhe pasivit. Në rast se operatori ekonomik është në kushtet e përcaktimeve të nenit 41, të ligjit nr.10091, datë 05.03.2009, atëherë bilancet duhet të shoqërohen edhe me raportet e auditimit ligjor të pasqyrave financiare vjetore, të kryera, nga auditues ligjorë ose shoqëri audituese.

Kriteri konsiderohet i përmbushuar nëse në dy bilancet e njëpasnjëshme të kërkuara nuk ka raport negativ ndërmjet aktivitetit dhe pasivit.

Argumentimi: Kërkesa e mësipërme është përcaktuar bazuar në nenin 77, pika 3, e LPP, si dhe nenit 43, pika 4, të VKM nr. 285, datë 19.05.2021 “Për miratimin e rregullave të prokurimit publik”. Përcaktimi i viteve të kërkuara për paraqitjen e bilanceve është bërë duke iu referuar legjislacionit të fushës, konkretisht, ligjit nr.10091 datë 5.3.2009 “Për auditimin ligjor, organizimin e profesionit të ekspertit kontabel të regjistruar dhe të kontabilistit të miratuar” i ndryshuar.

2.2.3 Operatorët ekonomikë duhet të paraqesin vërtetim për shlyerjen e detyrimeve të taksave dhe tarifave vendore për keqkëmbimet e maturuara të vitit 2025 të parashikuara nga pushteti vendor sipas afateve të maturuara/përcaktuara dhe parashikuara në Ligjin nr.9632, datë 30.10.2006 “Për sistemin e taksave vendore”, i ndryshuar, lëshuar prej njësisë të vetëqeverisjes vendore.

Argumentimi: Kërkesa e mësipërme është përcaktuar bazuar në nenin 77 e LPP, si dhe nenit 43, pika 6, të VKM nr. 285, datë 19.05.2021 “Për miratimin e rregullave të prokurimit publik” dhe në ligjin nr.9632, datë 30.10.2006 “Për Sistemin e TaksaveVendore” i ndryshuar, në ligjin nr.9920 datë 19.05.2008 “Për procedurat tatimore” i ndryshuar.

2.3 Kapaciteti teknik:

2.1.1. Operatori Ekonomik Ofertues, duhet të jetë i pajisur dhe të paraqesë në procedurën e prokurimit publik çertifikatat përkatëse të vlefshme sipas standardeve ISO:

a) Standardin ISO 9001 ose ekuivalente (e përditësuar), për sistemin e menaxhimit të cilësisë, objekt i të cilës të jetë në përputhje me objektin e prokurimit (e vlefshme, dhe e lëshuar nga një organ i vlerësimit të konformitetit, i akredituar nga organizmi kombëtar i akreditimit ose organizma ndërkombëtarë akreditues, të njohur nga Republika e Shqipërisë).

b) Standardin ISO 27001 ose ekuivalente (e përditësuar), për sistemin e menaxhimit të sigurisë së informacionit, objekt i së cilës të jetë në përputhje me objektin e prokurimit

Shënim: Në rastin e bashkimit të operatoreve ekonomik ofertues në këtë procedure, secili prej operatorëve ekonomik duhet të dorëzojë certifikata “ISO” të renditura më lart, sipas zërave të shërbimeve/mallrave, që do të marrë përsipër të realizojë referuar akt marrëveshjes midis palëve.

Në rastin e bashkimit të operatoreve ekonomik ofertues në këtë procedure, secili prej operatoreve ekonomik duhet të dorëzojë certifikata “ISO” të renditura më lart, sipas zërave të punimeve/shërbimeve/mallit që do të marrë përsipër të realizojë në akt marrëveshjen midis palëve.

Çertifikatat e mësipërme duhet të jenë të lëshuara nga një organ i vlerësimit të konformitetit, i akredituar nga organizmi kombëtar i akreditimit ose organizma ndërkombëtare akreditues, të njohur nga Republika e Shqipërisë.

Argumentimi 2.1.1/a, 1.1.1/b:

Kërkesat e mësipërme janë përcaktuar në zbatim të nenit 77, pika 4 të Ligjit Nr. 162, datë 23.12.2020 “Për Prokurimin Publik”,

...“Në lidhje me aftësitë teknike dhe profesionale, autoritetet ose entet kontraktore mund të vendosin kërkesa që garantojnë se operatorët ekonomikë zotërojnë burimet e nevojshme njerëzore e teknike, si dhe përvojën e nevojshme për të zbatuar kontratën sipas një standardi të përshtatshëm cilësie...”si dhe në mbështetje të nenit 44, pika 1 të VKM nr.285, datë 19.05.2021 “Për miratimin e Rregullave të Prokurimit Publik” (i ndryshuar) konkretisht:

“Autoriteti/enti kontraktor, për të vërtetuar se punët, mallrat ose shërbimet, objekt prokurimi, plotësojnë kërkesat e cilësisë, mund t’u kërkojë ofertuesve të paraqesin certifikata të lëshuara nga një organ i vlerësimit të konformitetit, i akredituar nga organizmi kombëtar i akreditimit ose organizma ndërkombëtarë akreditues, të njohur nga Republika e Shqipërisë, vetëm nëse ato janë të argumentuara dhe të lidhura ngushtësisht dhe në mënyrë të drejtpërdrejtë me objektin e prokurimit...”

Çertifikimet ISO, janë certifikata që i’u akordohen kompanive/organizatave të cilat manifestojnë menaxhim të lartë bazuar në standardet ndërkombëtare të vendosura në përputhje me legjisacionin ndërkombëtar që e rregullon këtë fushë. Kriteret për kualifikim vendosen që t’i shërbejnë Autoritetit Kontraktor, për njohjen e gjëndjes dhe kapaciteteve të operatorëve ekonomikë, në lidhje me kualifikimet e nevojshme teknike, profesionale, kapacitetet organizative, makineritë, pajisjet e asete të tjera reputacionin dhe besueshmërinë, përvojën e duhur, si dhe personelin e nevojshëm, gjithçka në funksion të realizimit me sukses të kontratës.

Argumentimi për kërkesë për paraqitjen e Çertifikimit ISO 9001 për sistemin e menaxhimit të cilësisë: parashikon një tërësi rregullash që garantojnë një bazë rreziku parandalues ndaj cilësisë e cila mbulon një gamë të gjerë të çështjeve ku përfshihen: angazhimi i lartë i menaxhimit për cilësi nga furnizuesi, fokusin e klientit, përshtatshmërinë e burimeve të tij,

kompetencën/profesionalizmin e punonjësve, procesin e menaxhimit (*për prodhim, ofrimin të shërbimeve dhe proceset mbështetëse e administrative*), planifikimin e cilësisë, dizenjimi i produkteve dhe shërbimet që ofron, garantimin e një procesi cilësor të furnizimit, sigurimin e konformitetit për mallrat dhe shërbimet, proceset e tij për të zgjidhur ankesat e konsumatorëve, veprime korrigjuese, dhe një kërkesë për të nxitur përmirësimin. Kjo kërkesë, dëshmon se mbajtësi i saj garanton standardet ndërkombëtare të menaxhimit të cilësisë së ushtrimit të aktivitetit tregtar të tij. Nisur nga rëndësia, volumi i kontratës në këtë procedurë është e rëndësishme me qëllim realizimin me sukses të kësaj procedurë që operatori pjesëmarrës të provojnë se ka një sistem të menaxhimit të cilësisë, pra të demonstrojnë aftësinë e tij për të ofruar vazhdimisht produkte që plotësojnë kërkesat e konsumatorëve, pra të AK-së dhe kërkesat e zbatueshme ligjore dhe rregullative me qëllim të rrisë kënaqësinë e konsumatorit nëpërmjet zbatimit efektiv të sistemit, duke përfshirë proceset për përmirësimin e vazhdueshëm të sistemit dhe sigurimin e konformitetit ndaj klientit pra AK-së .

Sistemi i menaxhimit të shërbimit është një kuadër standardizues në lidhje me garancitë që kërkon autoriteti kontraktor nga operatorët ekonomike për: ndjekjen konsistente të shërbimeve përgjatë afatit të zbatimit të kontratës, sipas kërkesave të DST-së.

Sistemi i menaxhimit të Shërbimeve të Teknologjisë së Informacionit siguron që operatori ekonomik ka të implementuar një sistem ofrimi të shërbimit përmes të cilit efektivisht planifikon, implementon, operon, monitoron, kontrollon dhe mirëmban portofolin e shërbimeve dhe cilësinë e tyre. Kërkesat përfshijnë projektimin, ofrimin dhe përmirësimin e shërbimeve për të përmbushur kërkesat e dakorduara të shërbimit, nëpërmjet sigurisë së nevojshme për ecurinë e punës së AK. Projekti kërkon realizim brenda një periudhe kohore të parapërcaktuar, relativisht të shkurtër dhe shërbime intensive që duhen të jenë detajisht të monitoruara. Ky standard/certifikatë ose ekuivalenti i saj, i siguron Autoritetin Kontraktor që të gjitha shërbimet që do të realizohen përgjatë kontratës, do të menaxhohen sipas standardeve më të mira të shërbimeve të teknologjisë së informacionit.

Argumentimi për kërkesën për paraqitjen e Certifikimit ISO 27001 për sistemin e menaxhimit të sigurisë së informacionit: Është një kuadër standartizues në lidhje me garancitë që kërkon Autoriteti Kontraktor nga operatorët ekonomikë në lidhje me:

- Respektimin e kërkesave rregullatore në lidhje me sigurinë e informacionit, gjë që mund të zvogëlojë rrezikun e veprimeve jo ligjore.
- Identifikimin dhe menaxhimin e rreziqeve që lidhen me sigurinë e informacionit, gjë që siguron që ofertuesi i shërbimeve/mallarave T.I.K, të shmangin rreziqet e mundshme dhe të përmirësojnë qëndrueshmërinë e përgjithshme të sistemit.
- Eliminonjë proceset e panevojshme, të reduktojnë gabimet dhe të përmirësojnë performancën e përgjithshme, duke çuar në përmirësimin e efikasitetit dhe efektivitetit.

Në kushtet që instalimi dhe realizimi i konfigurimeve të nevojshme të sistemit, kërkon ndërhyrje në infrastrukturën ekzistuese të Institucionit, si rrjedhojë certifikimi ISO 27001, është një garanci e nevojshme për Autoritetin Kontraktor për aplikimin e praktikave mbi menaxhimin e risqeve, trajtimin e të dhënave dhe shërbimeve që do të kryhen. Të gjitha të dhënat që do të trajtohen dhe

do të ruhen në sistem, përfshirë edhe ato të konfigurimit si dhe të përdoruesve të sistemit janë të ndjeshme. Aksesit në infrastrukturën ekzistuese të Institucionit dhe aksesit në informacion për të realizuar shërbimet sa më sipër do të jetë i kontrolluar e monitoruar nga stafi monitorues i kontratës, megjithatë çertifikimi ISO 27001 për operatorin ekonomik është një garanci e nevojshme për Autoritetin Kontraktor.

2.1.2. Për të provuar përvojën e mëparshme, Operatori ekonomik duhet të paraqesë dëshmi për realizimin me sukses të shërbimeve të mëparshme, të ngjashme, të kryera gjatë tre viteve të fundit. Në çdo rast, vlera e kërkuar duhet të jetë në një vlerë jo më të vogël se 40%, të vlerës së përlogaritur të kontratës që prokurohet dhe që është realizuar gjatë tre viteve të fundit, nga data e shpalljes së njoftimit të kontratës.

Për të vërtetuar përvojën e mëparshme të ngjashme, operatorët ekonomikë duhet të paraqesin dëshmitë e mëposhtme:

- a) për përvojën e mëparshme të realizuar me sektorin publik, operatori ekonomik duhet të paraqesë vërtetime të lëshuara nga një ent publik për përmbushjen me sukses të kontratës, ku të shënohen vlera, afati i përfundimit të kontratës dhe fatura tatimore të shitjes, të plotësuara sipas kërkesave të legjislacionit në fuqi, ku shënohen datat, shumat dhe sasi të mallrave të furnizuara ose
- b) për përvojën e mëparshme të realizuar me sektorin privat, operatori ekonomik duhet të paraqesë fatura tatimore të shitjes, të plotësuara sipas kërkesave të legjislacionit në fuqi, dhe të deklaruara në organet tatimore, ku shënohen datat, shumat dhe sasi të mallrave të furnizuara.

Shënim: Plotësimi i njërit prej dy kushteve të sipërpermendura e bën ofertën të kualifikuar.

Argumentimi: Kërkesa e mësipërme është përcaktuar bazuar në pikën 4 të nenit 77 të ligjit nr. 162, datë 23.12.2020 “Për prokurimin publik” si dhe pikës 3, neni 41 të VKM nr. 285, datë 19.05.2021 “Për miratimin e Rregullave të Prokurimit Publik” (i ndryshuar). Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën, prandaj është kërkuar që furnizimet/shërbimet e mëparshme të ngjashme të jenë në vlerën jo më pak se 40% të vlerës së fondit limit, që është brenda vlerës kufi të përcaktuar në nenin e sipërcituar.

Përcaktimi i vlerës për kontratat e ngjashme është përcaktuar referuar bazës ligjore sa më sipërcituar dhe vlerës së përlogaritur të kontratës që prokurohet. Me anë të këtij kriteri vërtetohet se operatorët ekonomikë kanë përvojë të mëparshme për procedura të ngjashme me objektin që prokurohet si dhe kanë përmbushur me sukses kontratën për të cilën janë shpallur fitues. Kjo tregon se operatori ekonomik është vazhdimisht i angazhuar në treg me kontrata furnizimi/shërbimi, çka rrit besueshmërinë të Autoriteti Kontraktor se në rast shpallje fitues, ekzekutimi i kontratës do të jetë në përputhje me përcaktimet e DST, dispozitat e kontratës dhe planit të zbatimit të kontratës. Për shkak të rëndësisë që ka vetë Institucioni dhe llojit të mallit/shërbimit objekt prokurimi, i rëndësishëm për ushtrimin e funksioneve të punonjësve të Institucionit, me qëllim krijimin e marrëdhënieve kontraktuale me operatorë ekonomikë seriozë në treg, me performancë të mirë e të vazhdueshme është kërkuar marzhin e vlerës së parashikuar

2.1.3. Për të vërtetuar që ka kapacitete njerëzore profesionale të mjaftueshme për realizimin në kohë dhe sipas specifikimeve teknike të projektit, operatori ekonomik duhet të vërtetojë se ka të punësuar të paktën 1 (një) punonjës të specializuar/të kualifikuar, të siguar për 3 (tre) muajt e fundit dhe të kualifikuar me njohuri të kombinuara si mëposhtë, i cili të plotësojë kërkesat për çertifikime profesionale, si më poshtë:

- 1 (një) specialist i çertifikuar për sistemet e parkimit “CAME PARKARE”

Për të dëshmuar përmbushjen e kriterëve sa mësipër, operatorët ekonomikë duhet të paraqesin:

- Çertifikatat /Transkriptet përkatëse të vlefshme të lëshuar nga subjekte të akredituar nga Republika e Shqipërisë ose nga vëndi i origjinës, për secilin specialist/ekspert të kualifikuar.
- CV e punonjësit.
- Listëpagesa sipas formularit e-Sig 25, për 3 (tre) muajt e fundit të deklaruar sipas legjislacionit në fuqi ku të përfshihet stafi si më sipër, nëpërmjet paraqitjes së formularit përmbledhës të vetëdeklarimit, sipas shtojcës 9, pjesa III, pika B.

Argumentimi:

Kriteret për kualifikim vendosen që t’i shërbejnë autoritetit kontraktor për njohjen e kapaciteteve të operatorëve ekonomikë, të cilët nëpërmjet dokumentacionit të paraqitur duhet të vërtetojnë se zotërojnë kualifikimet e nevojshme teknike, profesionale, përvojën e duhur, si dhe personelin e nevojshëm, gjithçka në funksion të realizimit me sukses të kontratës. Duke qenë se objekt-prokurimi është një projekt i teknologjisë së informacionit dhe konkretisht sistemi i parkimit i sipërpërmendur nisur nga termat e referencës dhe natyra e kontratës që do të prokurohet, kërkesa për staf të diplomuar ose/dhe të çertifikuar në fushat e sipërpërmendura, për të cilat kërkohet niveli i tyre profesional lidhet ngushtësisht me objektin e kontratës.

Kërkesa për staf sipas kërkesave të kriterit 2.1.3 është hartuar në përputhje me VKM nr. 285, datë 19.05.2021 “Për miratimin e rregullave të prokurimit publik” (i ndryshuar), Neni 41, pika 4, ku citohet:

“Për të provuar përshtatshmërinë për të kryer veprimtarinë profesionale, kapacitetet teknike dhe profesionale, autoriteti/enti kontraktor kërkon:

a) licenca profesionale për realizimin e shërbimeve, objekt i kontratës, të lëshuara nga autoritetet kompetente shtetërore; dhe /ose

b) një listë të personelit kryesor, të nevojshëm për të zbatuar objektin e prokurimit dhe/ose komponentët e saj. Lista e personelit kryesor duhet të përfshijë CV-të e tyre dhe licencat profesionale, kur kanë të tilla sipas legjislacionit përkatës; dhe/ose

c) fuqinë punëtore të operatorit ekonomik të nevojshëm për ekzekutimin e objektit të prokurimit; dhe/ose

d) mjetet dhe pajisjet teknike që ka në dispozicion apo që mund t’i vihen në dispozicion operatorit ekonomik për të përmbushur kontratën

2.1.4 O.E i interesuar në procedurën e prokurimit duhet të paraqesë vërtetimin që software i përditësuar është i fiskalizuar në përputhje me Vendimin Nr. 239, datë 20.03.2020 *“Për Kërkesat Teknike dhe Funksionale të Zgjidhjes Software-ike për Proçedurën e Faturimit dhe të Fiskalizimit si dhe Proçedurën e Kriteret për Regjistrimin e Prodhuesve e të Mirëmbajtësve të Zgjidhjeve Software-ike”* në mbështetje të nenit 100 të Kushtetutës dhe të pikës 10, të nenit 16, të Ligjit Nr. 87/2019, *“Për faturën dhe sistemin e monitorimit të qarkullimit...”*

Argumentimi:

Bazuar në Vendimin nr. 239, datë 20.03.2020 *“Për Kërkesat Teknike dhe Funksionale të Zgjidhjes Softwareike për Proçedurën e Faturimit dhe të Fiskalizimit si dhe Proçedurën e Kriteret për Regjistrimin e Prodhuesve e të Mirëmbajtësve të Zgjidhjeve Software-ike”* në mbështetje të nenit 100 të Kushtetutës dhe të pikës 10, të nenit 16, të Ligjit Nr. 87/2019, *“Për faturën dhe sistemin e monitorimit të qarkullimit...”* çdo shërbim financiar ndaj klientëve duhet të shoqërohet me kupon tatimor, dhe për këtë arsye O.E i interesuar duhet të vërtetojë që ka kapacitetin ligjor të kryejë proceset e fiskalizimit të faturave sipas legjislacionit në fuqi.

Në mbështetje të Ligjit Nr. 162/2020, *“Për Prokurimin Publik”* (i ndryshuar), në zbatim të neneve 78 dhe 83, pika 1, të Kushtetutës, me propozimin e Këshillit të Ministrave, dhe të VKM nr. 285, datë 19.05.2021 *“Për miratimin e rregullave të Prokurimit Publik”*, i ndryshuar, i cili përcakton se: *“Në përlllogaritjen e vlerës limit të kontratës, autoriteti kontraktor duhet të ketë parasysh”*:

“Çmimet e botuara nga INSTAT-I, ose/dhe çmime të tjera zyrtare, të njohura nga institucionet përkatëse (si për shembull, nga organet tatimore, dhomat e tregtisë, në 7roced etj.); dhe/ose Çmimet e tregut; dhe/ose, Çmimet e kontratave të mëparshme, të realizuara nga vetë apo nga autoritete të tjera kontraktore; dhe/ose, Çmimet ndërkombëtare të botuara”.

Për sa më sipër Komisioni për të realizuar përlllogaritjen e fondit limit bëri studimin e tregut, duke iu drejtuar operatorëve ekonomikë të cilët në Ekstratin Historik në QKB rezultojnë se kryejnë aktivitetin e programimit të software, objekt i kontratës që do të prokurohet nga Institucioni ynë.

Të gjitha dokumentet duhet të jenë origjinale ose kopje të noterizuara. Rastet e mosparaqitjes së një dokumenti, ose dokumente me të dhena të rreme ose të pasakta, konsiderohen kushte për skualifikim.

II. Argumentimi i specifikimeve teknike

Specifikimet teknike janë hartuar nga grupi i posaçëm, i cili është ngritur me Urdhër të Titullarit për hartimin e specifikimeve të teknike në përputhje me nenit 4, pika 38/b dhe nenit 36, të ligjit nr.162/2020 *“Për Prokurimin Publik”*, si dhe nenit 40, pika 2, të VKM nr. 285, datë 19.05.2021 *“Për miratimin e rregullave të prokurimit publik”* (e ndryshuar)

Autoriteti Kontraktor Tirana Parking ka ndër të tjera, një nga objektet kryesore dhe të rëndësishme të veprimtarisë së saj, mirëmbajtjen e sistemeve të parkimit Specifikimet teknike shprehin tërësinë

e elementeve më të rëndësishme përbërëse, që garantojnë cilësinë e kërkuar, dhe në përputhje të plotë me funksionet e kërkuara nga Autoriteti.

Shënim: Përcaktoni specifikimet teknike, për shërbimet objekt prokurimi, që do të përfshihen në termat e referencës, në përputhje me parashikimet e nenit 4, pika 38b dhe nenit 36, të LPP, si dhe nenit 41, pika 1, të VKM nr. 285, datë 19.05.2021, “Për miratimin e rregullave të prokurimit publik”, duke argumentuar çdo kërkesë funksionale ose performance, apo edhe çdo standard të kërkuar, ku çdo referencë duhet të shoqërohet nga fjalët “ose ekuivalenti i tijësaj”.

Kujdes: Në specifikimet teknike, nëse nuk e justifikon objekti i kontratës, nuk duhet të përmendet asnjë markë prodhimi ose burim specifik apo proces i veçantë, që karakterizon produktet ose shërbimet e ofruara nga një operator ekonomik specifik apo asnjë markë tregtare, patentë, tipi ose origjinë apo prodhim specifik, me qëllim favorizimin ose eliminimin e disa sipërmarrjeve ose produkteve. Një gjë e tillë lejohet vetëm në raste përjashtimore kur nuk ekziston një mënyrë e mjaftueshme, e saktë apo e kuptueshme e përshkrimit të objektit të kontratës, sipas pikës 3 të nenit 36, të LPP. Referime të tilla duhet të shoqërohen nga fjalët “ose ekuivalente”.

I. SPECIFIKIMET TEKNIKE

1.1 Software “*Lince*” dhe shërbimi i fiskalizimit

1.1.1 Sistemi i parkimit i instaluar aktualisht në Tirana Parking, përbëhet nga pajisjet “CAME PARKARE PKE”, të cilat funksionojnë me software “Lince”. Ky software kryen në kohë reale lidhjen me serverin multiparking dhe menaxhimin e të gjitha sistemeve të parkimit individuale. Këto versione të “software” duhet patjetër të përditësohen pasi versionet e fundit kanë përmirësime në siguri, performancë dhe stabilitet, gjithashtu përshtatshmëri më të lartë në lidhjen me serverin multiparking.

Versioni i përditësuar i software duhet të ofrojë shërbimin e faturimit dhe fiskalizimit.

Argumentimi i specifikimeve teknike:

Specifikimet teknike, për procedurën objekt prokurimi shprehin qartë kërkesat e autoritetit kontraktor për cilësinë e shërbimit dhe lidhen ngushtë me natyrën e kontratës, në përputhje me parashikimet e nenit 36 të Ligjit Nr. 162, datë 23.12.2020 “Për Prokurimin Publik” (i ndryshuar), dhe nenit 41 të VKM nr.285, datë 19.05.2021 “Për miratimin e Rregullave të Prokurimit Publik” (i ndryshuar).

Bazuar në Vendimin nr. 239, datë 20.03.2020 “Për Kërkesat Teknike dhe Funksionale të Zgjidhjes Software-ike për Procedurën e Faturimit dhe të Fiskalizimit si dhe Procedurën e Kriteret për Regjistrimin e Prodhuesve e të Mirëmbajtësve të Zgjidhjeve Software-ike”, nevojitet që versioni i përditësuar i “software” të jetë i fiskalizuar në mënyrë që të kryhet procedura e faturimit dhe fiskalizimit.

Nr.	Përshkrimi	Njësia	Sasia
1	Ish - Terminali i Autobuzave Ndërkombëtarë – (pranë “Asllan Rusi”)	copë	1
2	Terminali i Autobuzave të Jugut dhe Veriut – (pranë Kompleksit “Malajzian”)	copë	1

3	Terminali i Autobuzave të Juglindjes – (pranë qendrës tregtare “TEG”)	copë	1
4	Sheshparkimi i automjeteve Tirana Parking – (“Diga e Liqenit”)	copë	1
5	Sheshparkimi i automjeteve Tirana Parking – (Pallati i Sportit “Asllan Rusi”)	copë	1
6	Sheshparkimi i automjeteve Tirana Parking – (Sheshi “Selman Stermasi”).	copë	1
7	Sheshparkimi i automjeteve Tirana Parking – (Sheshi “Frederik Shopen”).	copë	1
8	Parkingu Nëntokësor Tirana Parking – (Sheshi “Italia”).	copë	1
9	Parkingu Nëntokësor Tirana Parking – (Sheshi “7 Xhuxhat”).	copë	1
10	Parkingu Nëntokësor Tirana Parking – (Sheshi “Skënderbej”).	copë	1
11	Parkingu Nëntokësor Tirana Parking – (Sheshi “Bulevardi i Ri”)	copë	1
12	Parkingu Nëntokësor Tirana Parking – (Sheshi “Kopshti Zoologjik”)	copë	1
13	Kasa Automatike - Parkingu Nëntokësor Tirana Parking (Sheshi “7 Xhuxhat”)	copë	1
14	Kasa Automatike - Parkingu Nëntokësor Tirana Parking (Sheshi “7 Xhuxhat”)	copë	1
15	Kasa Automatike - Parkingu Nëntokësor Tirana Parking (Sheshi “Skënderbej”)	copë	1